


球陽

十五

和書門
白二六四
一三四
七
二五冊
架函號類

和書
四二六四
二五冊
七八冊
架函號類

內閣文庫	
番號	和 42664
冊數	25 (15)
函號	178 405



球陽

十五

Faint vertical text columns, likely bleed-through from the reverse side of the page. The text is mostly illegible due to fading.

秋陽

尚修

即江...

中日...

...

...

...

...

卷十五

球陽

尚穆王

即位元

年

七年壬申

始加賜申口方筆者年俸


申口方筆者原是筆者二員假筆者二員而筆

者賜年俸四石以其四員檢合諸座費用應不

用其功勳于今亦當預備冊封之費而修

屋器具亦有甚多其筆者功勳與諸座筆

者大異况復其假筆者只無俸米永勤其職則



其功勳與諸座假筆者愈異是以今番筆者始
加年俸一石共計五石假筆者二員改稱相付
役始賜年俸各四石

二年賜真和志並東風平郡百歲老人爵位物件

真和志間切與儀村有高安筑登之親雲上者

東風平間切友寄村有武太島袋者各養身謹

慎而年及百歲以呈太平人瑞因此獎賜高安

直陞座敷位島袋直陞黃冠位併絲綿各一把

棉布各二端

賜讀谷山郡百歲老人爵位物件

讀谷山郡楚邊村真刈島袋養身謹慎而年及

一百歲以呈太平人端由是獎賜直陞黃冠位

併絲綿一把棉布二端

賜中城郡百歲老人爵位物件

中城郡熱田村山戸玉城養身謹慎而年百一

歲以呈太平人瑞因此獎賜直陞黃冠位併絲

錦一把棉布二端

創建寢廟

自古未有寢廟至于是年命紫冠翁鴻業

佐久真親

方盛 創建寢廟于國殿之後

創建世添御殿

往昔未有世添御殿今命紫冠翁鴻業

佐久真親

方 創建世添御殿于國殿之後

翌年因翁鴻業出使向嘉猷安

室親方朝意代他而勤焉

三年改修奉神門

是年以奉神門年久大壞題請改旧制而做葺

式一棟而為三門其左右較中稍低以修之

上元其請如華式新修焉

賜八重山百歲老女爵位物件

八重山島宮良村赤頭仲宗根仁屋之母名曰

南風平素謹身養生年至一百歲是為太平人

瑞故賜其稱呼與黃冠之妻同併賜絲綿二把

後至一百三歲而身故

濬那霸港

是港久自壅塞茲因封舟將臨于甲戌年二月

初三日命向聰

美里按司朝昌

毛景文

高良親方盛傳

為督濬

官自乙亥三月二十四日興工丙子六月內告

竣從此塞通港深

夏四月二十八日雷損馬承基國頭按司正方房

三屋柱壁此日辰牌時分忽有聽得一聲雷响不

料國頭後殿簷外赤黃光輝自其茶房入其次

座轉過庫理而熄此時所坐家女驚且悚而家

人皆無恙自此尋其跡跡落于後庭大屋簷外

九尺許有漆浮赤色又見其傍邊煙立臆流恰

如硫磺之臭侵入鼻中不意自殿中往來輪環

遂破柱壁而回去

附貢使兼請冊封

貢使毛元翼

池城親雲上安命

茶宏謨

宮城親雲上

到闕遍

請封咨文於布司轉詳督撫兩院具題隨蒙
皇上欽點冊封正使全魁副使周煌禮部移知兩
院於是海防廳知會貢使抵京具呈冊使往封
乞俟今年冬國王照例遣接封大夫帶諸練
海道者來閩准予來夏航海是為無虞等由請
禮部具奏奉禮部批琉球請封蒙 皇上命允
業經本部請 旨移咨福建督撫兩院令其預
備船隻及老海之舵工水梢即于今年夏同貢

使聯帆渡海今未便復奏俟回閩省請兩院具
題可也貢使及至回閩隨聞本國禮教之天使
諸務悉皆備妥且遴遣舵工水梢來接封舟故
不具呈懇于丙子年六月初十日與封舟一齊
五虎門開洋七月初一日歸國復
四年始營八重山崎山村
八重山古見西表兩邑之間有崎山地方泉甘
土肥宜住居人民耕種五穀而港津廣深宜泊

船隻且附近之港亦如此然而因道路險阻每
遇有飄到船隻乘于小舟以致往還恐有遲悞
公務今番始營村于此地名曰崎山村因此分
慶田城波照向兩邑人民而移居併設典人一
員目差一員而總理焉

獎八重山寡婦孝行

八重山島有寡婦名曰宇那礼既生三子而其
夫山濱早死堅守節義能孝舅姑其舅年老而

精氣甚衰不能自行屎尿寡婦護扶而行無少
怠慢如衣食之供或夾綿或單布或粥或飯或
神酒之類先請其所欲而進之舅彌衰而婦彌
孝曾無違送之心每朝婦梳舅髮使其一身不
染垢穢冬則進火烘煖老舅所居之處極致清
潔寡婦孝行如此是以長子伊那真其妻鍋守
皆觀感而向孝但寡婦喪夫之時子皆幼穉無
一人助治家道者只以寡母一人之力兼孝而

養子以致成人當日寡母無告受苦真不可言
今見子皆能聽母教肯力耕耘漸次致豐得儲
粟米能做母行皆有以孝屢次捕魚供祖孝養
祖父至年九十忽然得病母子驚慌延醫調治
不愈而亡厚葬後日以豐致祭不懈今只可美
寡母在堂亦享孝養恰如其舅而見子之兄弟
既翁和樂以安寡母之心又與宗族親戚和睦
至村人無與此不相和者是以特賜寡婦宇那

禮以筑登之位妻之呼而稱呼之賜長子小濱
以筑登之位又宇那禮小濱其妻鍋三人各賜
絲綿二把

天使臨國冊封王爵

冊使翰林院侍講全魁編修周煌充正副使坐
駕寶舟六月初十日與接貢船一齊五虎內閣
洋十五日叔泊姑米山仲里間切真謝港留滯
未數日颶風驟作封舟衝礁而損壞王聞之急

備船隻請封使登舟迎到那霸港冊典全竣翌
年正月三十日開船因風色不順即日馬齒山
候風二月初四日見有順風該地放洋十二日
到閩餘林郭林全歸林所置此是臨封也
王受封謁崇元寺

王受封以丙子年八月二十八日照例諸崇元
寺行謁廟之禮
謁圓覺等寺

十二月十九日謁圓覺天王天界三寺燒香行
禮
冊封止使全魁樹碑於至聖廟
又樹碑於天后宮
又於瑞泉之上樹碑題曰雲根石髓
冊使建天后宮於姑米島
封舟在姑米山破壞之時通船幸賴菩薩靈佑
得以活命可知菩薩之靈往之於危險之際救

唯濟生者無窮故中國各處皆崇祀焉今夫真
謝港羣船出入之洋吾欲於彼處建立天后宮
以酬救生之德望國王亦捨銀共建神宮等因
二冊使既達之於王而又以工費銀一百二十
兩及匾字對聯二付送之其副使內司九人亦
送助銀三十七兩二錢王於乙卯年命建天
后宮於姑米山而其神像購之於閩是年十二
月初一日安奉其宮

六年王受封謁文廟

王已受封爵擇吉於丁丑年四月初四日謁至

聖廟行礼

始設漢文總師

原是役職總理司後長史遊擇大夫等官能文

者二員請憲令編修表奏公文之類兩年交代

不賜俸米亦不舉其功因無學其文者遂文力

漸衰若恐粗表奏而致進貢之患始請置教大

總師一員給俸米五石雜又叙其功陞官置其候

補寄役二員相幫辦理教學諸生庶永無表奏

文之弊乃以鄭宣猷根路銘里之子親雲上為是官金節

牛登根里之子親雲上梁廷樞龜島里之子親雲上為其候補

改題啓聖上神牌

啓聖公神位原是奉書啓聖公孔氏神位冊封

副使周煌有咨建王上其神位併祝文應改

書啓聖王叔梁紇總理愨長史議請應如周煌

所咨改題不啻尊敬啓聖王叔梁紇即為尊

至聖先師王上依議于是改題曰啓聖王叔梁

紇

七年獎八重山國吉孝行

八重山仲間村國吉仁屋為人天性至孝不幸

母早死父粟國乃告國吉曰我聞男不六十不

得鰥居今吾年方五十二若妻不在衣服製浣

總是不便由是吾欲再娶國吉奉父命即央媒

前行本村於佐家妯娌其女加以志他不肯應承國吉見父掛念不忘子心何止再遣媒強勸他遂應允父子不堪歡喜即擇日為婚其後加以志生得女子名曰錫真牛及三歲母加以志早死父粟國見幼穉之女悲惻無疆國吉夫婦朝夕侍坐安慰父心亦受妹錫真既及成長厚脩粧奩嫁于村人此時父粟國衰老發疾且腰痛國吉供火其烤火朝夕食物外或黑砂糖或萬

金丹或泡盛酒從父所欲而奉進外或奉公入山林或往田圃見得父所嗜田蟹及時物菓實等即星夜携回進之由此村人觀感其孝行將他父之所嗜品物送與國吉使進其父其父年俗叫至八十二歲發病食物不進欲吃小碎渠安左以加虽冬天寒而不畏憚即往海邊取而進之即喫之病愈國吉孝行如此外又自身或耕耘田畝或作工匠又令妻勤家業遂貯積資財見兄

弟妹不足即助之又與村人親戚相待和睦不
意父染病辭世俗未有龕飾只下臺葬之國吉
新造龕具為出葬禮其墓始用砂灰塗之又其
後朝晚飲食必薦神位又年回忌及佳節祭掃
不懈惟所有龕與之千村使村人得脩葬之飾
國吉之行亦如此由是有蒙褒賜黃冠位併絲
錦二把賜妻絲綿二把

夏六月二十八日龍作暴風壞屋

此日申牌時分忽有暴風急雨不料龍風從北
谷郡桑江村丑方飛過川原時一家併戍土樹
為此龍所捲擲棄村南三十間許

八年新造加良川石橋

下儀保村加良川有一小川無貴無賤皆蹈處
所有石頭常為往來至近年其所鋪石為兩所
破難以往還由是主上命毛自煥佐渡山里
等因上安新築石橋為往來之便

天妃宮改稱天后宮

天妃曾歷受封稱天后然本國不知之至此年

始改稱天后宮

改孔子啓聖廟號

今番改廟號曰文廟又曰至聖廟又改祠號曰

崇聖祠

北馬生角

首里汀志良次村有仲村渠筑登之其家喂養

北馬一足已及三歲其前左足五寸上生距恰

如羊角長五寸

九年大地震

三月二十九日夜之丑時城牆內外共五十七

處被地震倒塌四月十五日又地震數次

古閑和尚奏改天德山號併設禪鑑禪師木主

天德山龍福寺右稱補陀洛山極樂寺至於後

世國朝出令改曰天德山龍福寺因令芥隱和尚

居守於焉本年三月准其住僧古閑和尚奏請
改其山號仍稱補陀洛山併設禪鑑禪師神牌
古安奉寺內

十年伊江宮古兩島大雨殷雷

二月十一日巳時伊江島西江村赤頭官並里

仁也之家被雷打破樑旁出火滅其火視之惟

打壞榱桷一株而無形影又四月十二日未時

宮古山多良間島塩川村人民名慶次者行年

十九歲在途被雷打死其肩上有燒痕處又於

十六日午時多良間島池間村蒲戶時年五之

屋榱桷一株大柱一株被雷打断兩截

大里郡玉城一胎而產三子

大里間切稻福村玉城仁也之妻四月二十九

日卯時始生一女名龜亥時又產二男一名蒲

戶一名三良

知念郡遷番所

本年七月二十三日本省檢者惣地頭全聞得
大君御殿大親等題請本省城內地勢尤勝乞
准遷其番所于城内
賜粟宮古島慶佐
原來慶佐各人夫妻二人養一穉子遠離鄉村構
屋居之皆九月十八日有中國難人漂入浦底
濱徑向慶佐屋進來慶佐見其飢渴之色延入
屋內與粥食之充其飢渴蓋慶佐僅偕其妻與

穉子僻居草野無人之地倏見異服異言之人
則宜驚慌無措而乃撫卹如此其志可嘉故獎
賜粟一石五斗以表厥誠

高嶺郡遷番所

因本郡屋古村遷于嘉多志川上原之地其番
所離村甚遠殊屬不便十一月二十九日准其
番所亦徙上原之區
具志川郡宇堅江洲宮里三村遷址

其宇堅村在天願川原外里水不灌溉乎田圃甚
為不便因此准遷于後川原之地江例村本在
城原各地宮里村在石大那原之地前年以其風
水不利故遷江例于多路喜原各地遷宮里于當
原之地然通來故墟地勢轉善且里水亦灌注
田圃故於十二月二十五日仍遷各村于各故
墟
十一年春二月定按司未繼統者亦備出使

各按司未承統者原無奉差之例今始定雖未
繼統亦均備出使之選

夏六月加御近習相附
法司以御近習所事繁人少加其三人無俸而
協辦之後考其功或順陞本官或另授別職等

冬十一月東苑俗稱御茶屋復設剃髮苑守

東苑筆者始於雍正十二年設置二人今減其

一人而立苑守一人其苑守復為剃髮改粧畫
夜俾其守之其筆者限周年而替換

十二年春正月越來郡遷邑

本郡安慶田邑每遇大風吹損房屋不堪屢修
蕙日用泉水亦遠隔川河每當風雨難以往還
且民居地狹生齒日繁誠恐無處可居今夫竹
口原地廣泉多又無風雨之憂且里水亦灌溉
平田圃用是准遷其村于此地

二月獎賜馬元亮國頭按目正實乳母百歲

馬承基

國頭按
司止方

及興中將其乳母於戶年屆百

歲稟明于廷故賞絲綿二把棉布二端

冬十一月定每年正月朔望行香于圓覺崇元廣

嚴長壽寺

古者每值王正朔望必行香

即社
參也

于此數寺至

雍正七年傳之今定仍行旧礼是為定例

十三年秋八月高嶺郡屋古邑曰大里村

是村原稱大里後改之曰屋古村然改名以來
人民漸困且其聲音不雅於是酋長具奏後改
依旧名焉

冬十月定八重麻姑兩島士家准戴綠冠

古制兩島士家子孫結叢髻許戴赤冠或綠冠
於雍正壬子年始定未職者不得戴之至于是
年兩島各監撫使及頭目等以兩島任職頂缺
無期鮮有就職者故其無職者雖至老而不冠

則興民家無別請如旧制凡士家子孫許戴綠
冠以別上下尊卑等情陳言法司據之奏准王
王許之

十四年春三月以内府廚房改造層樓
王命以其廚房改作兩層樓而其樓下仍為廚
房令向克寬大山里之子親雲上朝堯為之董
率而成之

夏六月朔日始定唐榮諸役限期項缺

原是唐榮諸役頂缺無期邇來生齒浩繁而役
數却以至老而不就職者亦多故令唐榮諸大
夫酌議可否限期替換諸大夫各陳意見因令
御物奉行會同申口官再議其覆曰講訟師與
讀書師及通書官併其相附役本自習熟各有
其能隨用隨辨應限二十四月而替換至于文
組寄役與漢字御右筆相附專掌表奏其職雖
重而各有頭目為之董率應限三十六月而替

換其餘長史文組師與漢字主取併其御右筆
宜如旧制勿庸限期應於諸役頂缺之時着令
各頭目與前任其職者五六人立為主考當面
考試仍令唐榮日長史加考照後舉之則諸生
益勵益勉各精其能而限期替換則人易食俸
而無怨矣法司據議具奏奉命依議

秋八月晦日准八重山新營真榮里邑
八重山監撫使及頭目等以平得村近來民窮

財之家鮮積蓄每遇水旱多欠年賦是由地方
廣廓常耕於二三里外離村甚遠往還費時以
致勞倍而得少也竊惟其村人口已滿二千四
百餘人事亦浩繁有司二人不能董治乞將人
丁田地均分一半新設一邑名呼真榮里立與
人目指各一人為之督率則邑民富足庶免拖
欠之患等情陳言法司據情其奏奉命依議
九月初十日復定御醫相附頂缺無期而廢其

寄役
御醫相附近定週年替換然屢有不便請如古
制頂缺無期而其每夜入直御書院與聞得大
君御殿則同御醫輪班而勤至於聞得大君御
殿令其晝夜守直而其寄役宜應廢除等因其
題奉命依議

題定納殿誥醫專令見在御醫相附而任為
納殿誥醫六人俱皆廢之專令見在御醫相附

三人而任之亦限週年替換年俸國儉之間與諸俸一併減之每年賜二石五斗等因且題奉

命依議

題減鑿輿夫

即御轎夫也

三人

舊制鑿輿夫三十人分為三班每班十人內選一人為頭目六人為之供役其三人為勢頭方當差今應減其當差之輿夫內三人若計鑿輿夫二十七人為定數等因具題奉命依議

冬十月十七日題設納殿醫者寄役三人

御醫等僉稟曰納殿公務浩繁惟誥醫三人不能辦理乞賜設立寄役三人因相法司據稟具

十題奉命依議

十一月朔日始定為法司者許戴紫地浮織冠

前奉王命為法司者其任匪輕宜於授任之

時許戴紫地浮織冠後今以後請如前命永為

定例等由具題奉命依議

題定法司官許坐官轎

即安馱也

古制欽授法司然後具題而坐安馱請自今以後即於授任之時許坐安馱等由具奏奉命依議

十二月二十三夜八重山大兩般雷

八重山監撫使與其頭目等申報本島雷猛兩暴於夜之亥時雷落平得村仁志摩人名屋中其家人驚慌出視不見踪影只見其屋右角出火

高聲叫喊四隣齊集滅其火焉後查屋裏柱一株槎三株被雷打碎別無所傷

十五年復定老人病人許服色襪

准諸士百姓老者病者不論在公在私皆許用水色玉色形付布襪以為保養今定雖私居之時亦除白色淺黃色薄土器色外其餘各色非朝庙行礼之時則不論老者病者即諸士下者亦皆許服焉

夏四月二十六日創建惣横目役

今國中嚴行儉約是以首里三平等每平等立惣横目各二員中取各三員筆者各六員久米村立惣横目三員筆者四員那霸四町每町立惣横目各二員筆者各二員泊村立惣横目二員筆者二員俾其巡行轄村觀風正俗以杜犯法者

五月朔日准遷讀谷山郡瀨谷波村于高志原

瀨谷波村地土雖肥然其勢滾下每遇大雨水聚不漏且播種被水淹枯又無所貯糞况井在遠處甚屬不便夫高志原地方其土磽瘠井在近處且風水亦善故准其所請遷之于高志原二十三日越來郡宇久田村沛雨殷雷
太子廻村農民三良與美里郡高原村島袋筑登之親雲上男子三良共構野莊于宇久田村於無帝伊知也原以為稼穡此日俄為大雨雷

落其莊連人被雷燒死
二十九日題准繼唐榮總理司統者減其知行高
十石
古制續久米村惣役之兆者賜知行高五十石
今以異於諸例題准減其十石而賜四十石
復定按司未續父兆者仍舊停其奉使于外
通年始定按司雖未繼統亦今其奉使出外然
甚有不便者應如旧制停其奉使于外而令其

在國奉公
二十七日始分設田地奉行職
高所事多人少今加增座敷奉行三員大屋子

三員筆者三人俾其懲勸諸方農務名田地奉
行其奉行給俸八石勸職五年大屋子給俸七
石勤職五年筆者給俸六石勤職三年
座敷奉行仍稱高奉行而其親方勤職週年座
敷奉行併大屋子勤職兩年筆者順進大屋子
但其親方筆領
田地奉行職

准以納殿誥醫移置于下庫理當所

納殿人多屋狹無棲醫處且其醫每於禁中
事及諸方有急病之時必稟下庫理當所然後
得以招之故准移棲其醫于下庫理當所焉

二十二日因宮古島東仲宗根與人長間與人勸
民革俗獎賜物件

多良間島水納村隔海三里其地窄狹多沙且百
姓荒蕪農務而欲漁獵以營年貢是以人多漸困

拖欠賦米約有七石餘時東仲宗根長間二人
勸勵民心盡力農業以完其欠且以其村自古
惑虛說而嫌修墓人死則不擇地而埋之又
不知喪祭之禮二人招聚村中老幼叮嚀教之始
築一墓合葬各處所埋之屍而以旧葬之地變
為耕田凡八百六十一坪又教之以祭祀之禮
其俗改美因此彼島在番及頭目等備由報來法
司擬之奏王獎賜其二人掛物各一幅絲綿

谷二把又垣川村耕作筆者下地仁也杵山筆者平良仁也仲筋村耕作筆者高江洲仁也等三人隨彼東仲宗長間二人同為勤勞故獎陞赤八卷位

九月十六日准遷摩文仁郡米次村于其故墟米次村于乾隆十二年間遷于後原之地奈其地凹窳每遇大雨水聚不漏此次浸倒人屋四椽溺死畜類漂失家伙九歷七日其水方退誠

三非可居之地且旧村之前米次當原地方本為肥善然遷村以後里水不灌乎田圃厥土瘦瘠殊屬不便故准其仍遷于故墟

十六年春二月二十九日准遷美里郡渡口村于

加那波川原

渡口村原來生齒不繁人屋常被勁風吹損未免修造圍村群樹不見茂榮且井在遠處甚屬不便夫加那波川原井在近處且村水流入田

地有利於耕種又無風患風水甚善故准其所
請遷之于加那波川原
准遷浦添郡仲西村于外向原
仲西村當宮城川流水所冲料必風水不善自
古生齒不多且井在遠處甚屬不便夫外向原
地方近于首里那霸况井在近處風水亦善故
准其所請遷之于外向原
三月二十七日褒賞小祿郡大嶺村松川親雲上

孝行
松川親雲上秉性純孝嘗為西旋轉陞夫地頭
戊寅年又為小横目役其父母年各八十餘歲松
川事之盡孝出入必告其家近于馬場人多會
集松川念老親待人辛苦別造房屋使父母安
居令弟喜屋武筑登之侍側至于日用飲食必
問其所好以進之且每年以米托酒家造酒以
為供奉寒則借火箱以温之且養蚕桑以供之

帽以其所剩之綿分與親戚老者二十年前父
染眼疾療治不痊遂為瞽盲松川定于每年五
月初四日泛舟江流彈絃唱歌以樂親心乙酉
年父染重病松川夫婦求醫進藥晝夜侍側留心
調養柰因年邁飲食少進松川自行療治其病
全愈其母嘗為大嶺村女祝有御祭與期望及
諸方參拜之務年老唯行松川脩齋乘之以為
往還是以礼節無缺至若松川行路之時見路

上有小石則恐老弱與姓婦之蹈跌而棟拾以
除之且甲子年以來大嶺村百姓十二人因年
稅不足皆欲賣身以納之松川聞之意謂許多
百姓賣身于他方則靡但一村衰微父母妻子
亦皆離散甚屬堪憫遂發金買之平日使之以
道理勸之以農業且怜其無配為之求妻不數年
皆得贖身而各之門戶至於奴婢亦擇隅成嫁
是以奴僕視松川夫婦猶父母且大嶺村有神

名呼和良伊喜由其宮以茅蓋之又近海邊每
年不堪修葺松川與村人相議以尾改修而其
工錢松川捐其一半且小祿郡栽落地生不多
每值公用則往他處貴買繳之松川勸人播種
自此落地生蕃息廣衍且于山野植松木千株
鉄樹二萬餘株以防饑饉每遇凶年則分與親
戚隣里以救其命檢者兩總地頭田地奉行等
以其孝行轉詳具題 皇上嘉之賜座敷位併

上布二疋

十七年春正月二十二日准遷知念郡安座間村

于訂敷原

安座間村原來人不堪病民不繁榮且廢田成
籍以致貢賦不足本村素有泉若就泉作田
不惟水灌本田且天水田亦得利然另有地方
名曰訂敷原其地田圃得便且井在近處風水
亦善故准其所請遷之于訂敷原

二月十二日始定每年清明之節上謁 玉陵
奉祭 上謁 先王之陵奉祭特諭
上欲每年清明時節謁 先王之陵奉祭特諭
法司議奏法司遵令御物奉行申口諸大夫會
議兼并其議題奏 上依議每年清明初日謁
玉陵照祭寢廟之例供御三味物三通奉祭至
次日亦謁 極樂陵供御三味物一通奉祭又
清明初日 國母王妃謁 玉陵供御香御花

御酒奉祭次日恭遣座敷大親齋御香御花御
酒詣 極樂陵奉祭

以上祭典俱著御書院辨理
三月朔日詔定諸王子之夫人各挿金筭

諸王子之夫人曾封列翁主位尚挿銀筭此番
詔定各挿金筭因自此始發帑金造筭頒賜

夏六月初九日過午時候大地震
玉城之石墻數十个所併三个寺玉陵極樂陵

之石墻處之為地震所壞其外諸方亦有損所
且地震已止潮水不常或二三尺許或三四尺
許揚入內港再三湍退比及未刻潮水恬靜至
慶良間島內座向味阿佐兩村海邊之田園處
三處併民屋九家被波所損
二十六日因王殿修完主上自大美御殿遷于
新殿

二十九日准遷座間味郡阿佐村于右村

阿佐村地方窄狹前已准遷于大濱原奈人屋
常被勁風吹損且其村都屬砂地此次遇大地
震波浪大揚處之被潮水所牽五家亦為波所
倒且地震以後井水亦鹹故准其所請遷之于

田村

秋九月十五日准八重山慶田城付西表首里大
屋子改名西表西表村慶田城與人改名上原
慶田城西表兩村役人于慶田城之內祖納村

一處設立公所辦事奈事務遲滯因此西表役
人於西表上原村設公所辦事夫慶田城津口
林不少每有飄風船隻於此應付故准其所請慶
田城附西表首里大屋子掌管改名西表西表
附慶田城與人掌管改名上原

十六日准遷南風原郡山川村于川田原
山川村風水不善漸之衰微夫本村里至地內
川田原風水最善且村水流入田地有利于耕

三種故准其所請遷之于川田原
冬十一月二十三日准定宮古八重山惣横目役
賜俸各五石

宮古八重山兩島諸凡上納與百姓對算不清
以致百姓窮困因此曾已每島各立惣横目二
人給夫六人無有俸米使之稽察尚未見其效所以然者
由致仕老人掌之之故也且至近年加輸出米
出銀百姓極至困窮若非擇人而授職給俸而

勸之百姓不免依旧困窮等由御檢使詳請故
准其所請賜俸各五石使其陽二年上國以報
島内百務之善否若果有功舉之直為頭役且
其職交代之時選首里大屋子與人内有能者
授焉

十八年春三月九日沛雨殷雷

此日大雨雷落於東村故仲村渠筑登之親雲
止後家之市屋其棟壁少破家人無傷

三月十日准御八卷組改稱御八卷組主取同日
新設御八卷組相附一人細工二人
御八卷組之務一人難以承辦御用故加立
此役

四月朔日褒賞金城親雲上善行
金城親雲上乃小祿郡宇榮原村人自幼有志
兩親冀其成立令其學習書算金城曾為文子
轉而服役惣地頭奈家素貧兼母身弱將又一

人之力日食難續因此金城下班之時晝則耕作夜則彈棉以為食兼奉公直登西旋自此順陞惣耕作當夫地頭轉任地頭代勤職多年毫無悞失使祖母兩親俱各安心衣服飲食從其所好家事皆從其所命而行祖母享年九十四父享年六十五今母存雖年及八十五自壯年染脚病不得外出金城憐之常以悅之不啻一家興孝他村人亦觀感興起焉且夫小宗家有

大城者曾染眼病未幾而歿妻子皆欲賣身金城聞之發錢千三百貫不使妻子離散且正月七月併過佳節亦發錢助之依之宗家完脩祭祀又大宗家有具志筑登之者因年不熟拖欠賦米金城為之借錢八百貫以完其欠且將金城之力償還其所借之債不但此而已具志抱病費用甚多男子雖為文子遂賣身金城為之鼎力發錢四百貫使其贖身男子如旧任職至

於奴婢亦親愛之分與田園使各自勉業且奴婢嫁娶亦發賜財貨俾其婚姻是以奴婢各自盡心勉業及早贖身奴婢之內八人俱免身價十人皆免半價是以奴婢視金城夫婦猶父母且村人勸農休遊之時自乙丑年以來年年給米五斗農人感息盡力農畝夫金城于村可謂善便且庚辰年翠宮城村人十九名食蕪銖當其妻及十死一生金城聞之急率妻子携沙

糖猪油豆米自行療治又請求醫師友利宗奄服藥因年大飢饉村中無米金城遣僕取自家之米煮粥而食之依之十二人各得活命又無利借米五斗以救其飢且種粟苗併木棉用糞培植之法自金城而始于今其法行于郡中夫金城氣量過人故翠宮城其志西村地頭併村人因本村無諸上納物本立帳事甚難辦請倩金城造帳現今惣地頭着令金城勘定各村之諸

帳且宇榮原松川兩村欠債賣身全城自癸未
年設立督理之人猶自為督率勉厲百姓各自
勤業兼為搖會俗稱寄合以還其債曾賣身者亦漸
漸贖身料必近年內兩村豐裕夫全城不惟孝
行超群且郡中諸事亦為善便厥功不小是以
檢者兩惣地頭及田地奉行等以其善行轉詳
具題王上嘉之賜越階之座敷位外
六月朔日准後繼今歸仁阿應理屋惠按司之職

今歸仁阿應理屋惠按司于雍正九年辛亥卒
因其職只掌一郡之礼式無公邊之務故照三
十三君內徹去之例不准繼頂其職然殿於徹
去君君傳于近代猶立不廢料必難以徹去故
准擇於今歸仁郡親泊村兼次親雲上女蒲戶
繼按司之職賜年俸二石雜穀一石俸者二人
地所高十九石七斗七升四合二才
宮古島伊良部村一乳而生三子

宮古島伊良部村塩川仁也之妻正月十六日
夜産一男二女

五日准寺社座新設假中取一人

寺社座原有中取三員辛巳年因國中嚴行儉
約減去一員每逢三介寺均有事務則另立加
勢中取一員辦事猶有悞失由是寺社奉行上
書曰乞准立假中取一員與本役會同辦事本
役交代之時舉之為本役故准設此職

十五日題准唐榮總理司長史司直於明倫堂

久米村總役長史原無直所在家辦公于公用

廢有碍故准陽日直于明倫堂

七月七日准另設掟目差各一人

久米島酋長在番及御儉使等稟曰本島具志
川郡仲村渠具志川兩村原屬仲村渠掟及同
村目差之管掌仲地山里兩村原係仲地掟及
同村目差之管轄奈仲村渠與具志川往來越

山更相隔六町有餘且其間有小村名叫上村
渠仲地與山里相距雖近亦有三个小村名叫
安里玉那霸武富若但委各役兼治數村不惟
平日之治不便且于織造綿紬及治理絲綿之
時亦以難董治先是暫立署掟目指各一人於
其志川山里兩村以為督率現今雖設立假役
勸厲百姓亦恐百姓信之不若本役具與他村
不一樣請准於其志川山里兩村新設掟目指

各一人故准設如此

二十六日夜子刻御番頭進奏客星見于卯方

秋八月十日宮古島上地村沛雨殷雷

此日大雨雷落農民與那霸屋毫之側燒穿周

圍八九寸許損破屋內幾柱

二十八日褒賞樽野底并妻孝行

樽野底乃八重山與那國人父盲目母手足痿
痺然十年以前照管家事詎意長子棄世家及

滅亡此時樽野底年及十九歲深憫父母抱衰
種々慰父母心樽野底因管家事殫精勤業一
家裕足將諸出物無滯交納無不足之憂父母
氣力寬舒樽野底平日自田圃歸時必往河海
邊揀拾父母所好食物以膳之往石垣時亦買
父母所好什物以進之不唯樽野底有孝心即
妻玉亦厚存孝心樽野底常與妻相商不惟每
日飲食從父母所好或造糕餅或造神酒或造

燒酒以為供養至衣服亦從父母所好寒則供
火以溫之暑則令童子扇夫婦出必告歸必面
晨夕侍側說與好事以悅父母或值盆中有躍
招之以樂親心或遇別處有觀夫婦昇戶乘之
以樂親之耳目母親因手足痿痺飲食及烟不
能自喫其妻玉親自進之大小便在寢座撤去
其妻不欲他人視之隨即拭之九今年以來未
敢怠慢至於親戚及村人亦交之以和睦親戚

村人均感其志因此百姓各役及頭在畚等進
其善行于朝廷法司題奏伊樽野底雖產于離
驛六十里外與那國村善行起群若賜褒賞則
一鄉觀感請賜褒賞故嘉之賜樽野底黃瓜卷
位木棉布三端綿子二把賜妻玉木棉布三端
綿子二把

九月朔日准移置久米島藏元于大田村
久米島具志川郡之藏元原在兼城村奈常被

大風吹損且風水不善大田村土地得宜風水
亦善由是諸役在畚等上書曰藏元大類將次
改造乞趣此時遷之大田村故准改移

九月五日八重山島黑島村沛雨殷雷
本村農民加禰出耕於西加禰原此日大雨雷
落其原加禰被雷燒死

十月十五日褒賞蒲松原孝行
蒲松原乃渡名喜島人父年八十母年七十八

年老齒弱不便食硬物故每日飲食從父母所
好令妻烹調且父母嗜大茶故每度自那霸買
大茶來每日兩度進之夏冬供乎好衣服冬則
採薪以防其寒且往那霸時尋買珍物為土產
而進之父母殊怡且彼姑年已七十歲有男子
一人家素貧男子不能如意供養松原叔岳母
于其宅養之猶母且冊封之時百姓為公事久
滯那霸飯米缺之則無利發借錢五百貫以資

其食夫松原于島可謂善便且渡名喜島有上
原仁屋者遇火災財貨什物統被燒焚家無餘
儲極至窘迫松原見之發麥一斗粟五升錢三
十貫以濟之夫松原氣量過人故彼島酋長等
為公事每到那霸必帶他掌管內事松原酌宜
處事萬無一失夫松原雖為野人孝行不允且
厥功不小至於親戚及村人亦行和睦舉島亦
殊感其志是以酋長及諸百姓具稟在番併地

頭等轉達人朝廷法司題奏伊志原心志不凡
若賜褒賞則一鄉觀感請賜褒賞故嘉賜
越階筑登之座敷

十一月朔日復定三司官照功戴浮織冠
前此三司官役職太重是故任其役職即許戴
紫地浮織冠乾隆己丑年與那原親方任三司
官之時奉命照其功勳許服紫地浮織冠永
著為例

十一月朔日特定三司官宜經題奏許乘安馱
前此奉詔任三司官則不經一題奏蒙許乘安
馱今年與那原親方任三司官特諭任三司官
則已經題奏許乘安馱永著為例

二月六日本部郡伊豆味村沛雨殷雷
此日本村赤頭山城等六人俱往砂糖家及午
時大雨不能澁荻繫牛於車坐待雨晴未幾時
雷大鳴牛驚殆挽倒車山城見之出外取牛瞬

息向雷落其地山城併牛被雷打死其雷色赤
飛騰二三間許而不知其所行焉

二月真壁郡加立掟役一人

真壁郡九村原設掟役四人一人管真壁村一

人管宇江城伊敷而村一人管真榮平新垣兩

村一人管名城小波藏安里糸洲四村但四村

與他村相異項年漸疲掟役一人難以董治因

此減夫地頭一人加立掟役一人碑他管名城

伊敷而村且領伊礼地所改稱名城掟

二月八日今歸仁郡湧川村沛兩殷雷

此日大雨雷落湧川村打穿蒲戶玉城屋頂打

折桁柱

三月九日高嶺郡真榮里村之西自世直濱至大

里村近邊小雨並雹降

自四月十二日至二十四日小魚

此魚俗通用鯪字叫太久知形

似楚理 集來崎原并楚崎邊

呂魚

宮古島松原村之東比利嶺山野之內自穿其口
徑五尺許深二丈餘底廣四五間許有泉出

秋七月十四日之夜雷落八幡前打剝松樹

八月六日宮古八重山西島自首里大屋子與人

內兼務惣横目職

宮古八重山西島屢改條例嚴行檢束選立惣
横目若不授之以村威勢不重諸事悉屬不便
故准其所請其交代之時選首里大屋子與人

內有才能者俾其兼本職勤横目而加賜民夫

冬十月九日伊江島東江村大雨雷落東江胡志

原與佐志高蒲地方農民户户三良二人併牛

二匹被雷打死

十一月十三日國頭郡楚洲村准遷于奧村楚江

兼久原

楚洲村於乾隆元年丙辰營建然其地不善先
年因大風潮揚村圍併貯藏被潮所引因此郡

人相幫築隄遮潮然不永保且耕作場遙隔一
里餘往還須時刻且津口不善村中之船遠
繫一里餘港甚屬不便居民亦漸減夫奧村之
東楚江兼久原其地悉善且減楚洲旋而奧旋



兼務其職故准其所請遷之于楚江兼久原

今昔風俗日異其地東楚洲木重密林東楚洲旋
而奧旋其地悉善且減楚洲旋而奧旋

